

# Predgovor

Kao odgovor na globalnu finansijsku krizu 1998. godine nekoliko je međunarodnih organizacija, uključujući i Svjetsku banku i Međunarodni monetarni fond, pokrenulo zajedničku inicijativu za jačanje svjetske finansijske arhitekture i traženje dugoročnih rješenja za otklanjanje nedovoljne transparentnosti finansijskih informacija. Taj je napor bio podržan jasnom podrškom rada Odbora za međunarodne računovodstvene standarde (IASB). Jedan od rezultata je bio ubrzavanje približavanja računovodstvenih standarda – posebice Međunarodnih standarda finansijskog izvješćivanja (MSFI) koje je donosio IASB, te Standarda finansijskog računovodstva (FAS) koje je donosio Odbor za standarde finansijskog računovodstva (FASB) u Sjedinjenim Američkim Državama. Ne iznenađuje da su ti napori prema približavanju proizveli brojne revizije računovodstvenih standarda od strane oba Odbora. Za računovođe, finansijske analitičare i druge stručnjake već postoji brojna tehnička literatura koja detaljno pojašnjava pozadinu i namjeravanu primjenu tih revizija. No do sada je nedostajala konsolidirana i pojednostavljena literatura.

Ovaj rad namjerava popuniti tu prazninu. Svako poglavlje ukratko pojašnjava i opisuje novi ili revidirani MSFI, problem ili probleme koje obrađuje, ključne koncepte, odgovarajući računovodstveni postupak i odgovarajuće zahtjeve za prezentiranje i objavljivanje. Tekst također obrađuje finansijsku analizu i problematiku tumačenja kako bi što bolje pokazao moguće učinke računovodstvenih standarda na poslovne odluke. Jednostavnii primjeri u većini poglavlja pomažu daljnjem pojašnjenu sadržaja. Nadamo se da ovaj pristup, osim što predstavlja pomoć praktičarima, može pomoći onima koji nisu računovodstveni stručnjaci prilikom poslovnog odlučivanja koje ovisi o novim propisima. Knjiga bi, također, trebala pomoći nacionalnim zakonodavcima prilikom usporedbe MSFI sa specifičnostima svojih zemalja, te ih na taj način ohrabriti da i oni prihvate ove međunarodno prihvачene standarde.

*Kenneth G. Lay, CFA  
Zamjenik direktora riznice  
Svjetska banka  
Washington, D.C.  
kolovoza 2004.*